

جَزَائِرِ عَمَّاكِرِ

جمعه ایرتسی

نومرو	جمادی الاول	سنه	کانون اول	سنه	حقیقه
۵۷۸	۱۵	۱۳۰۸	۱۵	۱۳۰۶	۸۳۶۷

(اشبو غزته بهر هفته جمعه ایرتسی کونلری چیقار . سنه لکی در سعادت ایچون محیدیه یکر می غروش)
 (حسابیه التمش غروشدر . طشره لر ایچون اوین بش غروش پوسته اجرتی ضم اولنور . بهر)
 (نسخه سی ینه محیدیه یکر می غروش اولوق اوزره یوز باره یه هر یرده صاتیلور . درج اولنه جوق)
 (اعلاناتک هر برندن بر محیدیه اخذ اولنور . سنه لکنه مشتری اولوق استیانلر عدلیه نظارتی)
 (داتره سنده کاشن جریده محاکم اداره سنه مراجعت ایلملیدر)

قسمت رسمی

مومی الیهی توقیف ایلدیکی جهته رئیس مومی الیهک
 تحت محاکمه الیه النمی خصوصه وان ولایتی
 استیناف محکمه سی مدعی عمومیلکنندن کوستریلان
 لزوم اوزرینه عدلیه نظارت حلیله سنجه مآذونیت
 اعطا قلنمشدر .

ار حیش قضاسی نائی و بدایت محکمه سی
 رئیس ابراهیم سلامی افندی قضاء مذکوره
 تابع بیر عمر ناحیه سی مدیری حسن اغانک جهت
 کفالتدن طولانی محکوم به دینی اولان مبالغک
 تأمین استیفاسی ایچون تحت حبزه النان اموالنک
 فروختی جهته کتمیه رک خلاف قانون مدیون

سعد سنجائی نائی و بدایت محکمه سی رئیس
صبری افندیك وظیفه مأموریتی سوء استعمال
ایلدیکی جهتله تحت محاکمه الهمسی خصوصه
بتلیس ولایتی استیناف محکمه سی مدعی عمومیلکنندن
کوستریلان لزوم اوزرینه عدلیه نظارت جلیله سنجه
مأذونیت اعطا قلمشدر .

(فی ۱۰ جمادی الاول سنه ۳۰۸ وفی ۱۰)
(کانون اول سنه ۳۰۶ تاریخنده بالجهه ولایات)
(استیناف مدعی عمومیلرینه ومدعی عمومی)
(بولنمیان محللر مدعی عمومی معاوانلرینه)
(یازیلان تحریرات عمومیه صورتیدر)

شهادتنامه اخذ ایتیمکسزین دلالاتق وسمسارلق
ایدنلرک اجرت دلایله وسمساریه دن طولانی
تجار وسائر ایله بینلرنده وقوعه کله جک دعاوی
ومنازعاتک استماع ایدلما سی حقنده شورای دولت
تنظیلات دائره سندن قلمه النوب مجلس مخصوص
وکلاجه بعدالتنسب مرعیت احکامنه بالاستیدان

اراده سنیه حضرت پادشاهی شرفصادر اولان
فقره نظامیه نك دیوان هایون قلمنجه معامله
قیدی سی بالاجرا اخراج ایتدیریلان صورتك ارسال
بیورلدینی بیان عالیسیله انفاذ احکام مندرجه سنه
توفیق معامله اولنمی شرفوارد اولان تذکره
سامیه ده امر و اشعار بیورلمش ودائرة مأموریتک
داخلنده بولنان محاکمه لاجل التبلیغ اشبوتحریراتک
نسخ مطبوعه کافیه سیله مذکور فقره نظامیه صورتی
لفاً ارسال قلمش اولغله بر موجب اراده علیه
اجرای ایجابی سیاقده شقه .

(دلال وسمسارلر نظامنامه سنك دردنجی ماده سنه)
(تذیل اولنمق اوزره قلمه النوب مرعیت)
(احکامنه بالاستیدان اراده سنیه حضرت پادشاهی)
(شرفتعلق بیورلمش اولان فقره نظامیه)
(صورتیدر)

شهادتنامه سز اوله رق دلالاتق وسمسارلق

ایدنلرک اجرت دلایله وسمساریه دن طولانی
تجار وسائر ایله بینلرنده وقوعه کلان دعوالری
محاکمه استماع قلمیه جقدر .

فی ۲۳ ربیع الاول سنه ۳۰۸
وفی ۲۵ تشرین اول سنه ۳۰۶

(محکمه تمیز جزا دائره سنك فی ۱۲ جمادی الاول)
(سنه ۳۰۸ وفی ۱۲ کانون ایل سنه ۳۰۶)
(تاریخ وایکییک ایکوز قرق یدی نومرولی)
(اعلامنك صورتیدر)

سیروز سنجائی بدایت محکمه سی جزا
دائرة سنك فی ۳۰ شوال سنه ۳۰۶ وفی ۱۶
جزیران سنه ۳۰۵ تاریخی وسکسان نومرولی
اعلامی اوراق متفرعه سیله برابر باش مدعی
عمومیلک مأموریت علیه سندن فی ۹ محرم

سنه ۳۰۸ وفی ۱۳ اغستوس سنه ۳۰۶ تاریخی
وبیک درت نومرولی تبلیغنامه ایله محکمه تمیز
جزا دائره سنه اعطا اولنمغله مطالعه قلندی .

اعلام مذکورک خلاصه مالی اوچیوز ایکی
سنه سی تشرین ثانیسنك اون سکرنجی کیجه سی
سیروز سنجاغنه تابع ررانق قضا سنده کائن باقه
قریه لی فلاجی پتره بی ضرب و قتل ایلدیکی ادعا
اولنمندن طولانی جنایتله اتهام اولنان سواری
تحصیلداری اوتوز سکر یاشنده چرکس خورشید
چاوش بن مصطفانك اجرا قلنان محاکمه علیه سنده
مقتول مرقومك بوجه محرر ضرباً قاتلی
اولدینی اخبارات وطیب راپوری ایله ثابت
اولدیندن مجرمیتله وقانون جزانك یوز یتیش
یدنجی ماده سی علاوه سنه توفیقاً و تاریخ توقیفی
اولان اوچیوز درت سنه سی ربیع الآخرینك
اون یدنجی کونندن اعتباراً بعدالتشهر بش سنه
مدتله کورکه قونلشنه وخرج اعلام ایله سائر
مصارف محاکمه نك تحصیلنه قرار ویریلرک تفهیم
قلندیغنی حاویدر .

تبلیغنامه ده دخی محلی بلدی طیبی طرفدن
ویریلان راپور ایله عسکری طیبی جانبندن اعطا

تاریخچه قرار ویرلیدی .

قلنان راپور بیتنه مباپنت اولمسنه نظراً بوجهت مرجع مخصوصه تدقیق اولنه رق فنی راپورک فنه و اصوله موافق اولدینی اکلشلدقندسکره اکاکوره حکم ویرلمک لازمکلو ایکن بوندن ذهول ایدلمش اولدیغندن بختله اصول محاکمات جزایه قانوننک اوچیوز اون دردنی ماده سی موجبجه اعلام مدکورک تقضی طلب اولمشدر .

قسم غیر رسمی

سائر اوراق دعوی دخی قرآنله تدقیقات تمیزیه به ابتدار اولندقدن برنجی راپورک مذکور اعلام مآله نظراً مرقومک سبب وفاته دائر صراحت اولماسنه بناء محلیجه ایدیلان شبهه اوزرینه عسکری حکمی واسطه سیله معاینه سی اجرا ایتدیر یله رک انسان راپورده فعل فتاک ضربک تاثیرندن نشأت ایتمش اولدینی محرو اولغله اعتراض واقع غیر وارد و بوابده جریان ایدن تحقیقات و محاکمه و مرقوم خورشید حقنده لاحق اولان حکم اصول محاکمات جزایه و جزا قانوننامه هایونلرینه مطابق کورلمش اولدیغندن مذکور اعلامک اکثریتله تصدیقه و تمیز اعلامی خرجی اولان یوز غروشک بالته حصیل محکمه تمیزه لزوم ارساله فی ۵ ایلول سنه ۳۰۶

مابعد

و پولیس یانقو افندی دخی ویریلان معلومات

اولدینی بیان اولندقدن معاون مومی الیه مصطفی افندی محکمه تمیز طرفندن کوستر یلا نواقصک اکل ایدلدیکی جهتله مرقومونک مجرمیتلرینه قرار ویرلمش طلب و مدافعه وکیل خاجیک افندی دخی کندوسی بوایشه متهملر طرفندن برایکی کون ظرفنده توکیل ایدیلوب اوراق دعوائی تمایله مطالعه ایدرک مدافعه سنی حاضرلیه مدیغندن مدافعه سنک وقت آخره تعلیق بیورلمش درمیان ایتلریله وکیل مومی الیهک بواقده سی شایان قبول کورلمکله اکل محاکمه نک وقت آخره تعلیق ایدلدیکی طرفینه تفهیم اولندی .

سنه مذکور تشرین اولنک طقورنجی صالی کونی متهمون مرقون حبسجانه عمومیدن کتوردیلرک وکیللری خاجیک افندینک وقوع وفاته مبنی بونلردن قوجو و استاوری محکمه نزدنده بولسان دعوی وکیللردن واسیلاکی وانسطاش ولفتر دخی خطر افندیلری بالانتخاب وکیل تعیین ایتدکترینی سویلملریله وکیلان مومی الیهما موکلرینک یانلرنده اولدقاری ومدعی عمومی معاون مصطفی افندی حاضر بولندینی حالده دوام محاکمه علیه به بالابتدار قرائت ایدیلان ضبط سابق مندرجاتی طرفین تصدیق

اوزرینه محل وقعه به کتدیکنده یوسفک یرده یاتمقده اولدینی کوردیکی صرهده متهملردن قوجو کله رک مرقومک سبب جرحی صوردیغنده نه وظیفه ک دیوب کیرو چکلسنی اخطار ایللمش و صکره مرکز عودتنده مرقوم قوجوی مرکزده کورمش ایسه ده نه صورتله کدیکندن معلوماتی اولدینی و پولیس عبده افندی دخی وقعده برکون صکره کندوسی طاطاوله مرکزندن بشکطاش مرکزینه نقل ایدلمش اولدیغندن یتاغی المی ایچون طاطاوله نه کیتمک اوزره فری کوبینه کلدیکی صرهده مختار کور پانده لیک اوغلی ببقوله واندون وطنشاه سکر حال اولدقاری حالده تصادف ایدوب مرقومون کندوسی بیرم خانه به کتورملری ایچون جبر و اصرار ایللمش ایسه لرده کوچ حال ایله اللرندن قورتیلوب مرکز کلدیکنده کردلرک جارحاری مرقومونک اوله جقارینی پولیس یانقو افندی به حکایه ایدلدیکی افاده ایتلریله طیب طرفندن ویریلان راپورت لدی القرانه مالی متوفی یوسفک برآلت راضیه ایله حصوله کش باشنک صول ناحیه جداری صدغیسی اوزرنده درت ساتیمترو طولنده بر عدد ازیک جرح مشاهده اولتوب بوندن متأثراً وفات ایدلدیکی مبین اولغله تحقیقاتک بوندن عبارت

ایتمکدن صکره وکیلردن واسیلا کی افندی
موکلرندن قوچونک وقعه کونی ساعت اوندن
اون ایکیه قدر قهوه خانه ده بولندیغنی شهود ایله
اثبات ایدوب وقعه دن خبری اولدیغندن ایشی
اکلامق اوزره مرکز کتدیکنی سویلمکده وچکن
محاکمه ده استماع ایدلمش اولان پولیس یاقواقندینک
دخی یوسفک مجروحاً یا تمقده ایکن موکلنک بالورود
مرقومک سبب جرحنی سؤال ایلدیکنی سویلمسنه
نظراً وقعه دن خبردار اولدیغنی اکلشلمقده
ایدوکنی قومیسر حسین افندی دخی مرکز ده
بولان موکلنی کردلرک ارايه ایتسی اوزرینه
طوتدقارینی اخبار ایدوب انجق کردلرک اولوقت
جاریلرینی تشخیص ایتلری مستبعد بولندیغنی
وکرچه موکلنک بوقعده مدخلی بولنمش اولسه
کندولکندن قره غولخانه یه کتمیه جکی طبعی
ومع مافیه کردلرک موکلنی کبی دردست ایتدیر -
دکبری اشخاص سائر کندیولرینک اثنای
وقعه ده غلطه ده و محل سائرده بولندقارینی
اثبات ایلدکبری جهته مستنطق طرفندن منع
محاکمه لری نه قرار ویرلمش اولوب موکلیده بشقه
محله بولندیغنی اثبات ایلدیکنی و پولیس عبده
افندی دخی وقعه یه مصادف اولان زمانده مختار
کور پانده لینک اوغلی نیقولینک برطاقم رفقاسیله

دوکار ایدوکنی واولسه اولسه موکلری دیگر
مجروحلرک جارحی اولسی لازمکلوب شو حالده
قانون جزانک یوزیتش طقوزنجی ماده سی
موجبجه جزا دیده اولملری اقتضا ایدر ایسه ده
مجروحلرده اقامه دعوی ایتدکبری بالیان هر
ایکیسی دخی موکلرینک برائت ذمتلری نه قرار
ویرلمسنی طلب ایتلریله ولدی السؤال طرفینک
بشقه بر دیه جکبری اولدیغنی اکلشلمغله محاکمه نک
ختم بولدیغنی بیان اولنه رق مذاکره او طه سنه
کلندی .

طرفینک ادعا و مدافعه تنک استماعندن واوراق
تحقیقه نک مطالعه و تدقیقندن صکره ایجاب کیفیت
لدی المذاکره متهمون مرقومون هر نه قدر انکار
تهمت ایتکده و وکیللری موخی الیهمما دخی بوجه
مجروح مدافعه نده بولنمقده ایسه لرده وقعه کونی
ساعت اونبر یحق راده لرنده ارغاد باشی یوسف
ورنجبر عثمان و بدروس و دیگر یوسف و رسول
وحسین و عبده قاسم پاشایه کتمک اوزره
طاطا اوله دن اثنای مرور لرنده اوچ نفر خرسندیان
مرقومونه اطاله لسان ایتش ایسه لرده سس
چیقارمیوب یوللری نه دوام ایدرک اوراده بولنان
قهوه خانه لر و میخانه لر اوکنه کلدکارنده برحق

اشخاص بدلرنده اسکمله ایغنی وفسار قازینی
اولدیغنی حالده اطرافلرینی احاطه ایدوب حضور
محکمه مه ده بولنلردن اولاستاوری ومؤخرأ
دخی قوچو ولفتر وانسطاش اسکمله ایغنی وفسار
قازینی ایله ارغاد باشی یوسفی باشندن و سائر
محلرندن ضرب و جرح ایدرک یره دوشور -
دکبری رنجبر عثمان و بدروس و یوسف و محمدک
حضور محکمه ده و مملکتده بولنان رسولک دائرة
استنطاقده اول و آخر تشخیص وارانیه ایله افاده
واخبار ایتلری نه وکرچه شهود مرقومه دخی
اثنای وقعه ده ضرب و جرح اولنمشلر ایسه ده
مرقومون متوفی یوسف حقنده شهادتده بولنوب
مجروح اولملری جهتی کندولرینی ایضای شهادتدن
اسقاط ومنع ایدمه جکنک قانوناً درکار و تقدیری
دخی محکمه یه عائد بولنسنه و شهود مرقومه نک
افاده لرنده برکونه مبیانت کوریه میوب شهادتلرینک
دخی قومیسر حسین حامی افندی و افاده لری
قراأت ایدیبلان ژاندارمه صالح و احمدک اخبارلری
واساس زورنالی ایله مؤید و مصدق و مرقوم
یوسفک دخی المش اولدیغنی بر عدد جریحه دن
متأثراً وفات ایتدیکی دخی باراپورت بیلدیرلمش
اولسنه و مدافعه شاهدلری اولق اوزره کتیربلان
کسان هر تقدیر متهملری وقعه کونی ساعت اونبر

بجق راده لرنده قهوه خانه وغاز يتوده بولندقلرى
بيان و بوايشك فاعلى مختار كور پانده لينك اوغلى
نيقولى ورفيقى اندون و طناش ايدوكلى
مسموعلى اولديغنى افاده ايتكمده ايسه لرده
جربان وقعه و اخباراته نظراً عمله مرقومه
طاطاوله دن كچدكلى صروده اوچ شخصك
كندولرینه اطاله لسان ايتدكلى صكره
كندولرى يوللرينه دوام ايدرك قهوه خانه
وغاز يتولرده اولان اشخاص يدلرنده اسكمله
اياغى و فنار قارىنى ايله اوزرلرينه هجوم ايدن
جم غفير مياننده متهملرك دخى موجود بولنه رق
يوسقى ضرب و جرح ايتدكلى اكلاشلمسى
جهتله بوبابده اولان مدافعه شهودينك افاده لرى
بركوتنه حكم و قوتى حائر اوليوب ادعا شاهدلرينك
اخباراتى رد و تعليل ايدمه مامسنة وابتداى وقعه ده
دردست ايديلان اشخاصك مژخراً دائرة
استنطاقدن منع محاكمه لرينه قرار و يرلمسى
و عمله مرقومه به اطاله لسان ايدن اوچ شخصك
مرقومون مختار كور پانده لينك اوغلى نيقولى يله
اندون و طناش اولديغى تسليم ايدلسه مرقومونك
يوسفك ماده ضرب و جرحنده برابر بولندقلرينه
دائر بركونا مشهودات بيان ايدن اوليوب مع مافيه
مرقومون مختار كور پانده لينك اوغلى نيقولى

اكثریت ثلثان آرا ايله قرار و يريلوب اولبابده
تنظيم اولسان قرارنامه علناً قرائت اولندقدده
معاون مومى اليه مصطفى افندى مجرميتلى تحت
حكمه النان قوچو و استاورى ولفتر و انسپاشك
قانون جزانك قرق بشنجى مادهسى موجبجه
يوز يتيش يدنجى مادهسى ذيلنه توفيقاً تحديد
ووكيلان مومى اليها دخى تحفييف جزالرينى طلب
ايتلر يله مذاكره او طه سنه عودت اولندى.

جهت جزائيه حقنده دخى ايجابى لى التذكر
مجرميتلرينه قرار و يريلان قوچو و استاورى
و لفت و انسپاشك مرتكب اولدقلرى ضرب
و جرح فعلى قانون جزانك قرق بشنجى مادهسى
موجبجه يوز يتيش يدنجى مادهسى ذيلنه موافق
اولديغنه و قرق بشنجى مادهده بر جرمك مشترك
فاعللرى قانونك صراحتى اوليان مواده اول
جرمك فاعل مستقلى كچى مجازات اولنور و ذيل
مذكورده دخى قتل قصديه اولقسيزين ايقاع
ايديلان ضرب بدن مضروب متأثراً وفات ايدرايسه
فاعلى بش سنده دن اقل اولماق اوزره موقناً
كوركه قونيلور ديو محرر بولنديغنه مبنى ماده
و ذيل مذكور احكامنه توفيقاً بولنردن قوچو
و انسپاشك ابتداى توقيفلى اولان اوچيوز

بش سنده سى شعبانك اون ايكنجى و استاورى
و لفتك دخى ماه من بورك اون اوچنجى كونلردن
اعتباراً بعدالتشهير بشر سنه مدته كورسكه
قونلملرينه ضبط و اعلام و استنطاق خرجلى
ايله خدمه اجرت قديمهسى اولان جماعاً بشيوز
التمش بش غروشك دخى مرقوموندىن بالتحصيل
عدليه وزنه سنه تسليم ايتديرلمسنة و مدعيه شخصيه
صديقه خاتونك حقوق شخصيه ادعاسنده بولنديغنى
حاله استدعاسك شرع شريفه لزوم حواله سنه
اوچيوز سكر سنده سى ربيع الاولك يدنجى كونه
مصادف اولان اوچيوز التى سنده سى تشرين اولك
طقوزنجى كوني متفقاً قرار و يريلوب قانونك ارئه
و تعريف وجهله تفهيمى اجرا و اصول محاكمه به
معين اولان معاملات ايضا قلندى .

في ۲۱ تشرين ثانی سنه ۳۰۶

ایتدیرلدی .

اعلام مذکورک مالی شاهدلرک حضور محکمهده وقوعبولان شهاداتنک نتایجی فعل جرحی خطایه ابتدا ایدوب بونک عکسی حقنده شهادت صریحه ودلائل واضحهده اعلامده بحث کوريله . مدیکنه ومقتولک حین مجروحیتنه بکا ایتدکی ایده جکنی دیش اولسنک خطایه دخی شمولی اوله جفته مبنی حکم مذکورده اصابت اولماغله بوندن طولای قانونه جهت تطبیقجه محکمه جنایت اعلامنک نقضنه اکثریتله قرار ویرلدیکی میندر .

قرائت اولنان اعلامک خلاصهسی متهم خلیله تفهیم اولندقدن صکره معاون مومی الیهک بوبایدکی مطالعهسی استفسار اولندقده احوال موجوده نك فعل مدعا بهک خطاء وقوعنه دخی شمولی اولدینی کرچه محکمه تمیزاعلامنده کوسترلش ایسهده محکمه جنایت اعلامنک مندرجانه نظراً قتلك خطاء صدور ایتدیکنه دلالت ایدر برکونا احوال کوريله مامکده ایدوکی جهتله حکم سابقده اصرار ایدلسنی ومتهم وکیلی عزت افندی دخی اعلام منقوضده محرر اولان مدافعانی تکرار ایله برابر متوفی شعبان مجروحاً خسته خانهیه

اوچیوز درت سنهسی تشرین ثانیسنک اون دردنجی کونی زرهللی حمیدیه واپوری دروننده عملهدن شعبانک جرح اولنهرق مؤخر آخسته خانهده وفات ایتسندن طولای قانون جزانک یوز یتیش دردنجی ماده سنک فقره اولیسيله قرقنجی مادهیه تطبیقاً اوج سنه طقوز ماه مدته حبس ایدلسنه وبش سنه دخی ضبطیه نظارتی الته النمسنه حکم اولنان عرب خلیل حقنده محکمه جنایتدن تنظیم قلنان اعلامک نقضنه دائر محکمه تمیز جزا دائره سنک فی ۴ اغستوس سنه ۳۰۶ تاریخی و بیک یور درت نومرولی اعلامی اوراق متفرعه سیله فی ۵ ایلول سنه ۳۰۶ تاریخنده محکمه جنایتیه تودیع اولنماغله بالمطالعاه اصول محاکات جزائییه قانوننک اوچیوز قرقنجی ماده سنه توفیقاً بوباید اولان نواقصک اکیال واصلاحی ایچون اوچیوزالتی سنهسی تشرین اولنک ایتدنجی کونی علی الاصول متهم خلیل حبسخانه عمومیدن جلب ایله اخیراً انتخاب وتعیین ایلدیکی دعوی وکیللرندن عزت افندی اوراق مرقومه یی مطالعهدن صکره خلیلک یاننده اولدینی ومدعی عمومی معاونی مصطفی افندی حاضر بولدینی حالده محاکمه علنییه ابتدار ایله مذکور محکمه تمیز اعلامی ضبط کاتبی جمال بکه قرائت

ده جارحنک عرب خلیل اولدینی وکسب صحت ایتدیکنده مرقومدن دعوی ایده جکنی بیان ایتدیکی محرر اولوب فعل جرح خطاء وقوع فرض ایدلسه مرقوم شعبانک بویولده بیاناتده بولنمیه جفتک طبیعی بولنمسی ایله تحقق ایتیش وبروجه محرر پچاغک شعبانک آیاغنه صاپلانمش اوله رق کوردیکی خلیل اعتراف ایتدکه اولدینی حالده مرقومک آیاغنه صاج باندینی حقندهکی افادات معتبر اوله میه جینی جهتله بوبایدکی شهاداتک نتایجندن فعل جرح خطاء وقوعی استدلال ایدیله میه جکی بدیهی بولنمش ومحکمه تمیزجه اسباب نقضیه دن عد ایدیلان جهتله دخی بوججهله حل واکال ایدلش اولدیغندن مرقوم خلیلک شعبانک قاتل غیر متعمدی اولسندن طولای حرکتی قانون جزانک یوز یتیش دردنجی ماده . سنک فقره اولیسيله قرقنجی مادهیه موافق اولدیغنه وفقره وماده مذکورده دخی برکیمسه من غیرتعمداً بر شخصی اتلاف ایتیش ایسه اون بش سنه مدته کورکه قونیلور ومجرم نابالغ مراهق بولدینی یعنی فعل وعملنک نتیجه سی بر جرم اولدینی بیلهرک متعمداً اول جرمی ایشلد . یکی حالده اگر جرمی موقت کورک جزاسنی موجب اولان جرایمدن ایسه اصلاح نفس ایچون

کوتورلمکده ایکن خلیله خطاباً سویلدیکی ایتدکی بکا ایده جکنی سوزینک غرضکارانه اولیوب آنجق خطانک نتیجه سی اولق وخیلیدن دلکیر ومنفعل دخی اولماق اوزره سویلنمش ایدوکی وبوجهله موکلی قاتل محطی اولوب قانون جزا . نک یوز سکسان ایتدنجی ماده سنه توفیقاً جزاسنک تخفیفی طلب واستدعا ایتدیله ولدی السؤل طرفینک بشقه بر دیه جکری اولدینی اکلالمغله محاکمه نك ختام بولدینی بیان اولنهرق مذاکره اوطه سنه کلندی

طرفینک ادعا ومدافعاتنک استماعندن وبالجمله اوراقک مطالعه وتدقیقندن صکره ایجاب کیفیت لدی المذاکره شاهدلرک حضور محکمهده وقوعبولان شهاداتنک نتایجی فعل جرحی خطایه ابتدا ایده جکی وشعبان مجروحاً خسته خانهیه کو . تورلمکده ایکن خلیل بکا ایتدکی ایده جکنی دیمسنک خطایه شمولی اولدینی بیانیله اعلام نقض ایدلش ایسهده مذکور افاده نك خطایه شمولی اولدینی خلیلک اول و آخر ضبط اولنان تقریرنده صالحک پچاغنی شعبانک ایاغنده صاپلی اوله رق کوردیکی سویلنمش اولمسی ومرقوم شعبانک افاده مضبوطه سنی حاوی اولان ورقه .

جرمنك مستلزم اولديغى جزا مدتلك ربعندن
 نهايت ثلثى مقدارى مدتهك حبس اولنور
 وبش سنه دن اون سنه يهك ضبطيه نظارتى الته
 آله بيلور ديو محرر بولنديغنه مبنى مرقوم خليك
 ابتدائى توقيفى اولان اوچيوز التى سنه سى جامدى
 الاوليسنك اون اوچنجى كونندن اعتباراً اون
 بش سنه كورك جراسنك ربى اولان اوچ سنه
 طقوز ماه مدتهك حبس ايدلسنه وبش سنه مدت دخی
 ضبطيه نظارتى آلتى آلمسنه وضبط واعلام
 واستنطاق خرجاريله خدمه اجرت قديمه سى
 اولان جمعاً يوز او توز بش غروشك مرقومدن
 تحصيليله عدليه وزنه سنه تسليم ايتديرلمسنة بيك
 اوچيوز سكر سنه سى صفريتنك اوچنجى كونه
 مصادف اولان بيك اوچيوز التى سنه سى ايلولنك
 بشنجى چهارشنبه كوني متفقاً قرار ويريلهرك
 قانونك ارايه وتعريفى وجهله اصول تفهيمى اجرا
 قلندى .

في ۲۶ تشرين ثانی سنه ۳۰۶

(الله ايديله میان رفقاسى ذيلهلى خورشيد)
 (واسماعيل وحسن ولاز اسماعيل ايله كمر)
 (برغوس جهتلرنده بعض كسانك اچله رینی)
 (غصب وایوبده برقاج خانه دن اشیا سرقت)
 (ایتدیكى ادا اولنمسندن طولاي مظنون علیه)
 (اولان فتحیه قالیون هایونك بوریزن نفراتندن)
 (اردولی مصطفانك اجرا قلنان محاکمه علیه سى)
 (ضبطنامه سى صورتیدر)
 الله ايديله میان رفقاسى ذيلهلى خورشيد
 واسماعيل وحسن ولاز اسماعيل ايله كمر برغوس
 جهتلرنده بعض كسانك اچله رینی غصب وایوبده
 برقاج خانه دن اشیا سرقت ایتدیكى ادا اولنمسندن
 طولاي مظنون علیه اولان فتحیه قالیون هایونك
 بوریزن نفراتندن اردولی مصطفانك جنایته
 اتهام اولنديغنه دائر هیئت اتهامیه دن تنظیم اولنان
 ۲۴ مایس سنه ۳۰۶ تاریخلى و ۱۰۴ نومرولى
 مضبطه ايله استیناف مدعى عمومیلنك ۱۳ حزران
 سنه ۳۰۶ تاریخلى و ۲۰۵۳ نومرولى اتهامنامه سى
 اوراق متفرعه سیله ۱۲ تموز سنه ۳۰۶ تاریخنده
 محکمه جنایته تودیع اولنمغله بالمطالعه اصول
 محاکمات جزائیة قانونك ايكیوز قرق سكرنجی
 وایکیوز قرق طقوزنجی ماده لرینه توفیقاً متهم

مرقوم ماه مزبورك اون دردنجی جمعه ایرتسی
 كونی منسوب اولدینی دائرة بحریه توقیفخانه سندن
 كتوردیلهرك مافوقی رتبه ده ضابطی قانون مأمور
 لرندن جمال افندی حاضر اولدینی حالده استجوابی
 ومدافعه سنده معاونت ایتك اوزره بر وکیل
 انتخاب ایتسی تكلیف اولندقه وکیل اولدینی
 سویلیمكله محكمه نزدنده بولنان دعوی وکیللرندن
 خطر افندی جانب محكمه دن مرقومه وکیل تعیین
 وقانون مزبورك ادعاى مفسوخیت حقنده اولان
 ايكیوز الی برنجی ماده سى مندرجاتی اخطار
 قلنديغی مین طوتیلان ضبطورقه سى تحت امضایه
 آلدیرلدى ادعاى مفسوخیت ایچون معین اولان
 مدت قانونیه منقضیه اولنمغله مرقومك اجرای
 محاکمه سى ماه مزبورك یکرى بشنجی چهارشنبه
 كونه قرارلشدیرلدى .

یوم مذکورده قانون دائره سنده متهم مرقوم
 توقیفخانه دن كتوردیلهرك وکیل خطر افندی نك
 معذرت مشروعه سنه مبنی کله میه جکی بیلدیرمش
 اولسنه و متهم مرقومك طلب و موافقتنه مبنی وکیل
 تعیین ایدیلان و اوراق دعوائی بعد المطالعه مدافعه یه
 حاضر ایدوکنی بیان ایدن دعوی وکیللرندن قصبار
 افندی یانسنده اولدینی ومدعى عمومی معاونی

مدوح بك ومتهم مرقومك ضابطی بحریه سلاح
 انداز طسانوری ملازم اوللرندن ابراهیم افندی
 حاضر بولندقلری حالده محاکمه علیه یه بالابتدار
 مرقوم استجواب اولندقه اردولی ویکرمی اوچ
 یاشنده عساکر بحریه بوریزن بلوکی افرادندن
 اولوب فتحیه قالیون هاتوننده مستخدم نولنديغی
 سویلیمكله کندوسنه وکیل مومی الیه قانون
 مزبورك ايكیوز آلتش دردنجی وایکوز آلتش
 بشنجی ماده لری مدلولاتی بعد الاخطار اتهام
 مضبطه سیله اتهامنامه ضبط کاتبی شوکت افندی
 قرائت ایتدیرلدى .

مذکور مضبطه نك مالی مظنون علیه مصطفانك
 فعل غصب وسرقته جرائی حقنده اوراق تحقیقه ده
 موجود اولان دلائل و امارات اتهامنه درجه
 کفایه ده کورلمش و حرکتی دخی قانون جزانك
 التمش ایکنجی ماده سى ذیلنك فقره اولیسنه
 موافق بولنمش اولدیفندن جنایتله اتهامنه قرار
 ویرلديکنى و اتهامنامه نك مفادى دخی مضبطه
 مذکوره مندرجاتی وجهله مرقومك جنایتله
 متهم بولنديغی بیان وایضا حدن عبارتدر .

قانون مزبورك ايكیوز التمش التنجی ماده سنه
 توفیقاً اتهامنامه نك مالی متهم مرقومه تفهیم

و معاون مومی الیه طرفندن دخی اسباب اتها می
تفصیل و تشریح اولدقدن صکره مرقوم مصطفی
سولتدیرلدکده کچن رمضان شریفک اوننجی
کونی مستخدم بولندی قنحیه قالیون هایونندن
فرار ایررک درت ماه بیوک درده کفهل قریه -
سند ساکن قصاب میچونک یاننده چوبانلق
واوچ ماه قدردخی بر بوستانده بکجیلک و مصطفی
نامنده بریسنک یاننده دخی قهوه جیلک ایدوب
پارده سی اولمندی جهته ایش بولق ایچون ماشیا
استانبوله کلکده ایکن چوبان چشمه سی جوارنده
تصادف ایتدیکی سواری قوی طرفندن در دست
ایدلیکنی بالیان فعل غصب و سرقتدن معلوماتی
اولمندی افاده ایتکله اساس ژورنالی و مرقومک
اقرارینی حاوی ورقه لدی القرائه ژورنالک مالی
علی بک قریه سی سواری قره غول مأموری
عبدالرحمن چاوش ایله اسماعیل اونباشی طرفندن
در دستله کتورلمش اولان غسا کریمیه فراریلر -
ندن اردولی مصطفی حقنده اجرا قلنان تحقیقات
اوزرینه مرقومک فرارندن صکره متعدد محالرده
خدمتکارلق ایتدیکی مثلوقصاب میچونک اوکوز -
لرینی زکریا قریه سی جوارنده رعی ایتدیرمکده
ایکن حوض باشی نام محله ذیللی خورشید
واسماعیل و حسن و ابراهیم کله رک اجرای

شقاوت ایتدکلرندن بختله کندولرینه رفاقت
ایلمسنی تکلیف ایتاری اوزرینه کندوسیده
حیوانلری صاحبنه تسلیم ایدوب تکلیف واقعی
قبول ایتدیکنی وایکی کون صکره ایکی آرقداش
دها بوله رق یدی کشی اولدقلری حالده یکر می
بش کون قدر طریق شقاوتده کشت و کذار و کمر
برغوس جوارنده تصادف ایتدکلری ایکی
بغچواندن یکر می درت لیرا اخذ و غصب و حمیدیه
قریه سندن آلمش اولدقلری نردبان ایله ایوب
سلطان جوارنده بر خانه یه کیره رک سرقت ایتد -
کلری اشیایی کونورمکه مقتدر اوله مدقلری
جهته نردبان ایله برابر قیرده احراق ایتدکلرینی
و آنجق مذکور خانهدی ارئه ایده میسه چکنی

مابعدی وار



اعلان

سراجلی اوستی قریه سندن عموجه اوغلی
شعبانک برقطعه اعلام شرعی موجبنجه دینندن
طولای مبالغ معلومه نک تأمین استیفاسی ایچون
دائن طرفندن تحت حجزه آدیربیلان کوی قرینده
واقع معلوم الحدود برقطعه ایکی دونم طوت باغچه سی
تاریخ اعلاندن اعلاندن اعتباراً اون بش کون
مرورنده فروختنه تشبث اولنه خنی کیوه بدایت
محکمه سی اجرا مأمورلغندن اعلان اولنور .

فی ۱۷ جمادی الاول سنه ۳۰۸
وفی ۱۷ کانون اول سنه ۳۰۶



چکمه جیه صغیر قضاسی قرالزندن انبارلی قریه -
سنک اوچوز بش سنه سی اعشار ملتزمی حمدی
افندیکن کفیلی مقری قریه لی حافظ ادهم افندیکن
جهت کفالتدن مالصندیغنه دینی اولان بشیک
درتیوز طقسان یدی غروشک تأمین استیفاسی ایچون
مومی الیهک محجوز بولسان مقری قریه سنده
باروتخانه جاده سنده واقع یوزیکر می بر و ...
نومرولر ایله مرقم و حدود معلومه ایله محدود
اولان عطار و تبا کوجی دکانلرینک اشبو تاریخ
اعلاندن اعتباراً اون بش کون صکره مزایده
وضع اولنه جفتدن طالب اولانلرک ودها زیاده
معلومات آلمق ایستیانلرک قضاء مذکور بدایت
محکمه سی اجرا دائره سنه مراجعت ایلملری
اعلان اولنور .

فی ۱۵ کانون ثانی سنه ۳۰۶



نوشهرده باش محله ده ساکنه انشطاسیه
وصوفیه نك برادری و باحجت شرعیه و کیلی
قوندره جی خرملبوس ولد نیقوله یکی شهرده
کائن متصرفه اولدقلری برقطعه عرصه نك
اوزرینه درسمعادتده طاشچیلرده نومروسز
دکانده ساکن ایکن مؤخرآ غائب عن البلد بولنان
متوفی کاوسله جی میخال ولد زبو طرفندن
۴۲ مارت سنه ۹۱ تاریخنده وضع اولنان
حجزك فکته دائر مزبوره طرفلرندن بالوکاله
وکیلیسی ایچون بالاصاله مرقوم خرملبوس
طرفندن وقوعبولان ادعایه وغائب عن البلد اولان
حاجز مرقوم متوفی میخال زبونک وارثی کیملردن
عبارت ایدوکی مجهول بولندیکی اقامتگاهنک
دخی معلوم اولماسی جهتیله وسائط قانونیه ایله
وقوعبولان دعوتیه اجابت اولنمماسنه منی حجز
مذکورک فکی حقنده محکمه تجارت ایکنجی
مجلسندن صدور ایدن ۱۶ ذی القعدة سنه ۳۰۷
وفی ۲۱ تموز سنه ۳۰۶ وفی ۲۸ ربیع الاخر
سنه ۳۰۸ وفی ۲۹ تشرین ثانی سنه ۳۰۶
تاریخی و ۳۳۱ و ۷۳۲ نومرولی ایکی قطعه
اعلام غیابی صورتلرینک برمنوال محرر ورقه
دعوتیه حقنده سبق ایدن معاملات اعلانیه لر
مثللو اعلاناً تبلیغی باعرضحال استدعاقلنمش

واولوجهله صورت مذکورله اوصول محاکمه
تجارت نظامنامه سنک یکرمنجی ماده سنک
دردنجی فقره سی احکامنه قیاساً تبلیغ اولنمش عد
اولنق اوزره محکمه نك دیوانخانه سنه تعلیق
ایدلیکی کی اوراق حوادث و اسطه سیله ده
اعلانی لازم کلش اولغله تاریخ اعلاندن اعتباراً
یکرمی برکون طرفنده متوفای مرقومک وارثلری
کیملرایسه محکمه یه مراجعتله اثبات وجود ایتلری
لازم کله جکی وایتمدیکی تقدیرده مارالد کر
صوتلری تبلیغ اولنمش عدیله حکمینک اجرا
اولنجنی معلوم اولق اوزره اعلان کیفیتیه ابتدار
قلندی .

فی ۱۳ جمادی الاخر سنه ۳۰۸

وفی ۱۲ کانون ثانی سنه ۳۰۶



مطبعة عامر ده طبع اولنمشدر